

Медся дона Коми муным!
Меным абу яндзим шуны!
Из шом, би ру, помтӧм вӧр...
Сьӧмга, йӧра, сюра кӧр...
Мырпом, лежнӧг, войвыв ма...
Урал гӧра, Югыз ва...
Коми небӧг, коми сьылӧм...
Чужан сиктын сӧрни кылӧм...
Ставсӧ висьтавыны он вермы.
Мед жӧ ставсӧ видзас Енмыс!
Ме Коми муын ола-выла
И ачымӧс зӧв шуда кыла!

Менам чужан муӧй

Чужан муӧй – помтӧм вӧр да дортӧм видзьяс,
Чужан муӧй – дзоридз кӧр да мича кызьяс.
Чужан муӧй – Эжва ю да чӧскыд чери,
Чужан муӧй – кӧдзыд ру да джуджыд керӧс.

Чужан муӧй – Кадам ты да зумыд козьяс,
Чужан муӧй – лӧбач шы да пелысь розьяс.
Чужан муӧй – юмов оз да шома ыжман,
Чужан муӧй – еджыд юсь да са сьӧд пывсян.

Чужан муӧй – пӧтка шыд да рача шаньга,
Чужан муӧй – гожся рыт да тӧвлӧн камгӧм.
Чужан муӧй – коми кыв да мелі сьылӧм,
Чужан муӧй – мамлӧн сыв да олӧм-вылӧм.